

Oz è igl De digls malsangs



FAURER

Igl De digls malsangs



Igl ò navia sur notg. Bunamaintg en mez meter neiv ègl do! Carla sa legra dad eir a scola e da giuier cun la sia ameia Nora ainten la neiv. Ainten scola tschaintan ellas l'egna dasper l'otra e Carla vot dessignier ansemen cun Nora igl plan digl iglu tg'ella less construeir. Ensatge è dantant curious: schiglio spetga Nora adegna davant l'antrada dalla tgesa da scola per eir ansemen cun Carla ainten la stanza da scola. Oz è Nora betg cò. Er cura tgi scaligna, è Nora anc adegna betg cò. Ed er cura tgi tots on lour etuis e carnets sen meisa, è Nora anc adegna betg cò. Forsa so la scolasta ensatge. «Noua è Nora?», dumonda Carla. La scolasta para dad esser tresta. Ed ò ella perfign ena larma aint igls sies îgls? «Tgers unfants», dei la scolasta all'antiera classa, «Nora è malsanga. Sia mamma

ò telefono ed ò detg tg'ella seia gio siva dad ier seira aint igl spital.» «O, na ..., pora Nora!», cloman igls unfants. «Ma ella vign franc puspe fitta», dei la scolasta. «la va en'ideia!» Carla saglia an peis: «Nous pudessan far ensatge per Nora, uscheia tg'ella vigna anc pi spert sanga.» Tots cattan chegl ena bung'ideia e scumainzan dalunga cun la lavour. Ed els fon betg angal ensatge per Nora, mabagn er per oters unfants e carschias tg'èn malsangs – igl è numnadamaintg bagnbod igl De mundial digls malsangs.

Davent digl 1993 è igls 11 da favrer mintgamai igl de per pansar agls malsangs e gidar ad els. L'ideia per en tal de ò gia igl anteriour papa Gion Pol II., cura tg'el era sez eneda fitg malsang.

Ast te gio ligia l'istorgia da Luisa tgi stò eir aint igl spital? L'istorgia catta te sen pagina 52 digl suandont codesch:

- Flurina Plouda, Yvonne Gienal
La famiglia Babulin, Novas aventuras
Lia Rumantscha, 2018
da retrer sen www.liarumantscha.ch



Ast te stuia eir eneda aint igl spital?

Canoschas te ensatgi tgi è gist aint igl spital?

Tge fon igls ties genitours, cura tgi te ist malsanga u malsang?



Fò digl bagn


Ideias per igl De digls malsangs:

1

Fò en video e tarmetta el
alla persungna malsangna.

Dessegna en maletg.

Screiva ena brev.




Screiva ena poesia.

Fò ena collascha.

Tarmetta ena tschigulatta.

Malegia u zambregia flours da palpieri u cartung. Chellas post te regalar alloura alla persunga malsanga.



persungga.
* En recept per momas cun se en smiley cattedas te dint igl material di gl «De di gl surreir».

Fò en pèr momas* e porta u tarmetta ellas alla

2


Tarmetta ena carta postala tgi te creeschas cun igl PostCard Creator.



Tarmetta ena carta postala

3

- 1 Colurescha la carta postala e screiva en bung giaveisch.
- 2 Taglia or la carta e foda ella per lung dalla lengia cun stretgigns.
- 3 Cola ansemen la carta postala.
- 4 Tarmetta la carta.



Tarmetta ena carta postala


4

1 Malegia ensatge sen la carta postala e screiva en bung giaveisch.

2 Taglia or la carta e foda ella per lung dalla lengia cun stretgigns.

3 Cola ansemen la carta postala.


4 Tarmetta la carta.



An famiglia

Ideias tge far, schi ties bab u tia
mamma on la grippa u sch'els
dovran eneda ena pòssa per restar
sangs:

Prepara ensatge da magler
tgi dat forza, p.ex. ena
soppa u en pitschen desert.



Geida a far ensatge dinten
tgesa, p.ex. far cun igl
tschitschnapolvrda.

Plaia la vistgadeira lavada,
p.ex. las soccas u igls
siaintamangs.